


中國方志叢書·華北地方·第三三〇號

據清·高蔚霞修苟廷誠纂
清·光緒十九年刊本

影印

甘肅省

通渭縣新志



sk25/12

成文出版社有限公司印行



10098578

中國方志叢書·華北地方·第三三〇號


據

清·高蔚霞修苟廷誠纂
清·光緒十九年刊本

影印

甘肅省

通渭縣新志



成文出版社有限公司印行



10098577

中華民國五十九年二月臺一版

通渭縣新志

全二冊

發行人：黃 成 助

出版者：成文出版社有限公司
台北郵政信箱二二六〇五號

台北郵政信箱二二六〇五號
台北市羅斯福路三段279之二號
電話：三七〇一三二號

印刷者：東南印製廠有限公司
和平西路二段70巷83弄29號

內政部登記證內版台業字第一一四七號

新學網
PDG

光緒十九年仲冬月鐫

通渭縣新志

板存縣署

通渭縣志序

夫邑之有志猶國之有乘家之
有譜不可一日無也留心治道
者凡山川疆域民風物產皆資
攷證而其要則在表芳型彰潛
德樹之風聲俾邑之人士有所

觀感而興起斯亦得失之林教
化之原也然通都大邑代有作
家體例既具踵事無難偏邑僻
壤代遠年湮文憲闕如甄錄曷
自攷據無由典贍則流於華樸
質則易於陋詳為引徵則偏醇

貽譏力求簡潔則疏略致誚請
托曲徇採擇無據一人秉筆衆
囂盈耳懸揣臆度索燭捫盤於
此而云創修豈不難哉通渭自
建置以來地瘠民貧數經變故
典冊無存光緒壬辰霞承乏斯

邑下車伊始訪求掌故幾同杞
宋之無徵私心耿耿每懷不忘
後晤邑紳景君星源言通渭志
藁經張君志達纂修後其先人
瑞之公增輯補益繕錄成書奔
藏於家霞聞之喜躍即從索觀

見其苦心孤詣搜羅靡遺雖門
戶太多去取未當而擷綱舉目
規撫粗具從而修之有所藉手
顧念修刊之費創修之人均不
易得正跲踖間牛幼樵比部來
縣言及此事慨捐貲為倡又得

苟實齋明經分任協修於是乎
助我有人集貲稍易通邑數百
年遺憾成於一旦亦云幸矣獨
是景本成於道光時咸同以後
久經兵燹忠臣烈士義夫節婦
或嘗賊而死或禦賊而亡青燐


碧血豪在原野不急收輯終致
湮沒昔常道將曰善志者述而
不作序事者實而不華故史遷
之記詳於秦漢班生之書脩於
哀平皆以世及事邇可得而言
也霞於政事之暇與苟君周諮

博訪政訂商權剪裁舊編摭摭
近事繁者去之略者詳之訛者
正之網羅故實搜輯散佚致意
於興修沿革之間繫情於忠孝
節烈之大俾後之官斯土者覽
此而得其要概邑之人士見此

而勵其名節抑亦守土者之當
務歟至其中容有不實不脩之
霞邑之人士自能知之霞亦無
從爲力則採訪者之咎也茲役
舉於癸巳春季竣於冬杪其用
力專而成功速則苟君之力居

多而霞無與焉是為序

光緒十九年歲次癸巳仲冬穀
旦清水縣知縣調署通渭
縣事湘陰高蔚霞撰並書



重修通渭縣新志序

邑人景星燿

通邑爲鞏昌東北門戶版圖寥闊周袤數百里其建置若何沿革也山谷若何錯互也丁賦若何雜沓也風勤俗樸土厚水深政教若何推行人物若何滋阜也欲窺其全非志不可我

國家文教昌明自一統志省志外各郡邑均有志歲久增修而吾通獨無志溯自康熙五十七年慘遭地震城社墟夷覆沒人民無算乾隆間邑廣文張志達蒐訪重修亦未付梓邑志遂尠傳本百餘年來迄無起而更修者

可慨也道光中

燿

曾祖王大父瑞之公以諸生訓課之

暇手抄舊志并採摭近事登諸卷帙每謂先伯等曰吾
邑志書自李太僕青峰南太守約齋歸籍後均思修復
未果我續創輯此異日文運漸盛必有踵而潤色者若
輩善藏之及先伯昆仲同舉鄉科牛雪樵廉訪由甲科
陟監司其子姪亦蟬媛登第地方英才輩出文運似有
起色况近遭兵燹士女義烈有關風化者更多可傳而
志典仍闕如蓋事經創舉非地方官力爲振興未易也
歲辛卯我

高公赤城父台來涖吾邑恤民愛士實心實政次第施行既於書院增置膏獎復慨修縣志耀聞之卽函飭舍弟星源謹呈家藏鈔本以備採錄又欣聞牛幼樵比部倡捐重貲邑人士董採訪司校讐協力俛助者均不乏人而我

公遂通稟大吏於癸巳四月開局籌辦延邑名宿苟君實齋秉筆凡越八月而告成嗚呼盛舉也今而後守吾通者舉凡建置之沿革山谷之錯亘丁賦之雜沓政教之推行人物之滋阜披讀斯冊燦然了然而野火飛燐